

申

湯液本草

卷十六

湯液本草卷十六目錄

木部

桂 桂心肉桂
桂枝附

栢子仁

側栢葉

栢皮

槐實

槐花

蔓荊子

大腹子

酸棗

胡椒

川椒

吳茱萸

山茱萸

益智

厚朴

丁香

沉香

乳香

藿香

檀香

蘇合香

檳榔

梔子

黃蘗

枳實

枳殼

牡丹皮

地骨皮

猪苓

茯苓

茯神

烏藥

乾漆

皂莢

竹葉

竹茹

淡竹葉

茗苦茶

秦皮

桑白皮

梓白皮

紫葳即凌霄化

訶黎勒

杜仲

琥珀

郁李仁

巴豆

芫花

蘇木

川練子

金鈴子

沒藥

梧桐淚

桑東南根

果部

大棗

生棗

陳皮

青皮

桃仁

杏仁

烏梅

木瓜

甘李根白皮

菜部

荆芥穗

生薑

乾薑

薄荷

葱白

韭白

薤白

瓜蒂

冬葵子

蜀葵花

香薷

炊單布

米穀部

粳米

赤小豆

黑大豆

大麥蘖

小麥

神麴

酒

苦酒

一名醋
一名醴

飴

卽膠飴

香豉

玉石部

石膏

滑石

朴硝

盆硝

卽芒硝

硝石

玄明粉

硫黃

雄黃

赤石脂

禹餘糧

代赭石

鉛丹

白粉

紫石英

伏龍肝

白礬

硃砂

硃砂

東流水

甘瀾水

禽部

雞子黃

獸部

龍骨

麝香

牛黃

犀角

阿膠

猪膚

猪膽汁

獺肝

猥鼠糞

人尿

湯液本草卷十六

海藏 王好古 類集

新安 吳勉學 校正

木部

桂 桂心 肉桂 桂枝 附

氣熱 味甘辛 有小毒

入手少陰經

桂枝入足太陽經

本草云主溫中利肝肺氣心腹寒熱冷疾霍亂轉筋頭痛腰痛出汗止煩止唾欬嗽鼻齕能墮胎堅骨節通血脉理疎不足宣導百藥無所畏久服神仙不老生桂陽二月八月十月採皮陰乾

有茵桂牡桂木桂筒桂肉桂板桂桂心官桂之類用者罕有分別衍義所言不知何緣而得官之名予考本草有出觀賓宜韶欽諸州者佳世人以筆畫多而懶書之故只作官也如寫黃蘗作黃栢薑作姜同意茵桂生交趾山谷牡桂生南海山谷木桂生桂陽從嶺至海盡有桂樹惟柳州象州最多本草所說茵桂牡桂板桂厚薄不同大抵細薄者爲枝爲嫩厚脂者爲肉爲老處其身者爲中也不必色黃爲桂心但不用皮與裏止用其身中者爲桂心不經水而味薄者亦名柳桂易老用此以治虛人使不生熱也衍義謂桂大熱素問謂辛甘發散爲陽故張仲景桂枝湯治傷寒表虛皆須此藥是專用辛甘之意也又云療寒以熱故知三種之桂不取困桂牡桂者蓋此二種性止溫而已

不可以治風寒之病獨有一字桂本經謂甘辛大熱正合素問
辛甘發散爲陽之說尤知茵桂牡桂不及也然本經止言桂而
仲景又言桂枝者蓋亦取其枝上皮也其本身麤厚處亦不中
用諸家之說但各執一已見終無證據今又謂之官桂不知何
緣而立名慮後世以爲別物故於此書之又有桂心此則諸桂
之心不若一字桂也別說交廣商人所販者及醫家見用惟陳
藏器之說最是然茵桂厚實氣味厚重者宜入治臟及下焦藥
輕薄者宜入治眼目發散藥本經以茵桂養精神以牡桂利關
節仲景值寒發汗用桂枝桂枝者桂條也非身幹也取其輕薄
而能發散一種柳桂乃小嫩枝條也尤宜入上焦藥仲景湯液
用桂枝發表用肉桂補腎本乎天者親上本乎地者親下理之

自然性分之所不可移也一有差易爲効彌遠歲月旣久習以
成弊宜後世之不及古也桂心通神不可言之至於諸桂數等
皆大小老壯之不同觀作官也本草所言有小毒亦從類化與
黃芩黃連爲使小毒何施與烏附爲使止是全得熱性若與有
毒者同用則小毒旣去大毒轉甚與人參麥門冬甘草同用能
調中益氣則可久服可知此藥能護榮氣而實衛氣則在足太
陽經也桂心入心則在手少陰也若指榮字立說止是血藥故
經言通血脉也若與巴豆硃砂乾漆川山甲水蛭蠱蟲如此有
毒之類同用則小毒化爲大毒其類化可知矣湯液發汗用桂
枝補腎用肉桂小柴胡止云加桂何也藥象謂肉桂大辛補下
焦熱火不足治沉寒痼冷及治表虛自汗春夏二時爲禁藥

珍云秋冬治下部腹痛非桂不能止也

心云桂枝氣味俱輕故能上行發散於表內寒則肉桂補陽則柳桂桂辛熱散經寒引導陽氣若正氣虛者以辛潤之散寒邪治奔豚

栢子仁

氣平 味甘辛 無毒

本草云主安五臟除風濕痺益氣血能長生令人潤澤美顏色耳目聰明用之則潤腎之藥也

藥性論云栢子仁君惡菊花畏羊蹄草能治腰腎中冷膀胱冷膿宿水興陽道益壽去頭風治百邪鬼魅主小兒驚癇栢子仁古方十精丸用之

側栢葉

氣微溫 味苦 無毒

本草云主吐血衄血及痢血崩中赤白輕身益氣令人耐寒暑

藥性論云側栢葉苦辛性澁治冷風歷節疼痛止尿血與酒相宜

栢皮

本草黑字栢白皮主火灼爛瘡長毛髮

槐實

味苦酸鹹寒 無毒

珍云與桃仁治證同

藥性論云臣治大熱難產皮煮汁淋陰囊墜腫氣瘤又槐白皮治

口齒風疳

日華子云槐子治丈夫女人陰瘡濕痒催生吞七粒皮治中風皮
膚不仁喉痺洗五痔產門痒痛及湯火瘡煎膏止痛長肉消腫
別錄云八月斷槐大枝使生嫩孽煮汁釀酒療大風痿痺甚效槐
耳主五痔心痛女人陰中瘡痛景天爲之使槐花味苦無毒治
五痔心痛眼赤殺腹臟蟲及熱治皮膚風腸風瀉血赤白痢槐
膠主一切風化痰治肝臟風筋脉抽掣急風口噤四肢不收頑
痺或毒風周身如蟲行或破傷風口眼偏斜腰膝強硬槐葉平
無毒煎湯洗小兒驚疳壯熱疥癬丁瘡皮莖同用良

槐花

苦薄陰也

珍云涼大腸熱

蔓荊子

氣清 味辛溫 苦甘 陽中之陰 太陽經藥

象云治太陽經頭痛 頭昏悶除目暗散風邪藥胃虛人勿服恐生痰疾揀淨杵碎用

珍云涼諸經血止頭痛主目睛內痛

本草云惡烏頭石膏

大腹子

氣微溫 味辛 無毒

本草云主冷熱氣攻心腹大腸壅毒痰膈醋心並以薑鹽同煎時習謂是氣藥也

孫真人云先酒洗後大豆汁洗仲景用

日華子云下一切氣止霍亂通大小腸健脾開胃調中

酸棗

氣平 味酸 無毒

本草云主心腹寒熱邪結氣聚四肢酸疼濕痺煩心不得眠臍上
下痛血轉久泄虛汗煩渴補中益肝氣堅筋骨助陰氣令人肥
健久服安五臟輕身延年

胡洽治振悸不得眠人參白朮白茯苓甘草生姜酸棗仁六物煮
聖惠方膽虛不眠寒也酸棗仁炒香竹葉湯調服

濟衆方膽實多睡熱也酸棗仁生用末茶薑汁調服

胡椒

氣溫 味辛 無毒

本草云主下氣溫中去痰除臟腑中風冷向陽者爲胡椒向陰者爲萆澄茄胡椒多服損肺味辛辣力大於漢椒

衍義云去胃中寒痰吐水食已卽吐甚驗過劑則走氣大腸寒滑亦用須各以他藥佐之

川椒

氣熱溫 味大辛 辛溫大熱有毒

象云主邪氣溫中除寒痺堅齒髮明目利五臟須炒去汗

心云去汗辛熱以潤心寒

本草云主邪氣欬逆溫中逐骨節皮膚死肌寒濕痺痛下氣除六

腑寒冷傷寒溫痺大風汗不出心腹留飲宿食腸癖下痢泄精

女子字乳餘疾散風邪痼結水腫黃疸鬼疰蠱毒耐寒暑開腠

理閉口者殺人惡括裏防葵畏雌黃

臭茱萸

氣熱 味辛苦 氣味俱厚陽中陰也 平溫大熱 有小毒

入足太陰經少陰經厥陰經

象云食則令人口開目瞪寒邪所隔氣不得上下此病不已令人寒中腹滿膨脹下利寒氣諸藥不可代也洗去苦味日乾杵碎用
心云去胷中逆氣不宜多用辛熱恐損元氣

珍云溫中下氣溫胃

本草云主溫中下氣止痛欬逆寒熱除濕血痺逐風邪開腠理去痰冷腹內絞痛諸冷實不消中惡心腹痛逆氣利五臟入足太陰少陰厥陰震坤合見其色綠

仲景云吳茱萸湯當歸四逆湯大溫脾湯及脾胃藥皆用此也

衍義云此物下氣最速腸虛人服之愈甚蓼實爲之使惡丹參消

石白垂畏紫石吳

山茱萸

氣平微溫 味酸 無毒

入足厥陰經少陰經

本草云主溫中逐寒濕痺強陰益精

止小便入足少陰

厥陰

聖濟經云滑則氣脫澁劑所以收之山茱萸之澁以收其滑仲景

入味化用爲君主如何澁劑以通九竅

醫心方云用之去核一斤取肉四兩緩火熬用能壯元氣祕精核能

滑精故去之